

ՄԵՐ ԱՆԿԻՆԵՆ

Ո՞վ Յանձնեց Իշխանութիւնը Փաշինեանին

Քոչարեանի եւ Սարգսեանի կողմնակիցներուն միջեւ անհամ-դուրժողութիւնը մակերես դուրս գալով այժմ վերածուած է լիարժէք պատերազմի ու կողմերը հրապարակաւ զիրար կ'ամբաստանեն իշխանութիւնը Նիկոլ Փաշինեանին «յանձնելու» մէջ:

Այս լեզուակոծիւր ծայր առաւ երբ Ռոբերթ Քոչարեան իր վերջին մամուլի ասուլիսի ընթացքին յայտարարեց, որ իր կողմնակիցները չեն ընդունիր Սերժ Սարգսեանին, իսկ Սարգսեանի կողմնակիցները չեն ընդունիր իրեն: Նման խօսք հրապարակ մետելով Քոչարեան կամայ լոյս բացաւ իր կողմնակիցներուն առջեւ, որպէսզի յարձակումի անցնին ու Սերժ Սարգսեանը վարկաբեկեն ընդդիմադիր զանգուածի աչքին: Քոչարեան համոզուած է, որ ինքն աւելի ուժեղն է եւ նախքան յաջորդ տարի նախատեսուած խորհրդարանական ընտրութիւնները պէտք է հրապարակէն հեռացնել Սարգսեանին՝ դառնալու համար ընդդիմադրութեան միանձնեայ ղեկավարը: Սարգսեանի կողմնակիցները իրենց կարգին կը մեղադրեն քոչարեանականներուն՝ 2018-ին իրադարձութիւններուն ընթացքին Փաշինեանի շարժումին սատարելու մէջ:

Ո՛չ մէկը եւ ոչ ալ միւսը իշխանութիւնը կամովին չյանձնեցին ռեւէ մէկուն: Իշխանութիւնը յանձնողը անոնց քսանամեայ կառավարման արատաւոր երեւոյթներն էին: Քրէա-օլիկարխիկ համակարգը իր բոլոր դրսեւորումներով, տնտեսական մեծաշնորհները, համատարած կաշառակերութիւնը, ազատութիւններու կաշկանդումը, կեղծուած ընտրութիւնները, ժողովուրդի կենսամակարդակի տրուէ-տարի անկումը երկիրը հասցուցին փլուզումի եզրին: Ասոնց վրայ աւելցուցած՝ Յոկտեմբեր 27-ի եւ Մարտի 1-ի սպանդները եղան զլիսաւոր պատճառը ժողովուրդի պոռթկումին եւ կուտակուելով լեցուցին անոր համբերութեան բաժակը:

Երբ Նիկոլ Փաշինեան իր սակաւաթիւ համախոհներով 2018-ի Մարտին սկսաւ Կիւմրիէն իր ոտքով երթը դէպի Երեւան, ոչ ոք գիտէր թէ ինչպիսի ավարտ պիտի ունենայ այդ: Սակայն, Հայ հասարակութիւնը սկսաւ կամաց-կամաց միանալ երթին ու երբ ան հասաւ Հանրապետութեան հրապարակը ու կաթուածահար եղաւ ամբողջ

Կիւմրիի Ընտրապայքարը Անոնց Համար Գողցուածն Ու Թալանուածը Պաշտպանելու Վերջին ճակատամարտն Է. Վարչապետ Նիկոլ Փաշինեան

Վարչապետ Նիկոլ Փաշինեան Կիւմրիի մէջ յայտնեց, որ տեղական ինքնակառավարման ընտրութիւններուն մասնակցելու «ինքնաչափարար գրուածները» մէկ նպատակ ունին՝ պաշտպանել «իրենց թալանածը»:

«Նրանք, ովքեր արդէն ինքնաչափարար գրուել են Կիւմրիի ընտրութիւններին մասնակցելու, նրանց մասնակցութիւնն ունի մի համատեքստ՝ նրանք դուրս են եկել իրենց գողացուած գոյքերը պաշտպանելու վերջին կռուին եւ ճակատամարտին», - «Քաղաքացիական Պայմանագրի» միջոցառման ըսաւ վարչապետը: Ան ընտրութիւններու մասնակցներէն միայն նախկին քաղաքապետ, Կոմկուսի ցուցակը գլխաւորող Վարդան Դուկասեանի անունը տուաւ: Սակայն, ընդգծեց, որ «Կիւմրիի ընտրութիւններին մասնակցում է 300-350 միլիոն տոլարի ապօրինի ձեռք բերուած գոյք, որը սպասում է վերադարձի»՝ յայտարարելով, թէ անոնք նախկին դեսպան Միքայէլ Մինասեանինը, Վարդան Դուկասեանինը, երկրորդ եւ երրորդ նախագահներ Ռոպերթ Քոչարեանինն ու Սերժ Սարգսեանինն են:

«Եւ ես ուզում եմ, որ այն մարդիկ, որոնք մեզ քննադատում



Փաշինեան ելոյթ կ'ունենայ Կիւմրիի մէջ «Քաղաքացիական Պայմանագիր» կուսակցութեան կազմակերպած միջոցառման ընթացքին

էին բաւարար չափով արագ չգործելու համար, գնան ընտրական տեղամասեր եւ ապացուցեն, որ անկեղծ էին քննադատում: Որովհետեւ այդ անկեղծ քննադատութիւնը կը նշանակի ընդունել, որ «հատիկ առ հատիկ»-ի տրամաբանութիւնը գործում է, թափանիւր արագացել է, դրա համար էլ ոմանք, հազար ներողութիւն այս բառիս համար, առնէտներ ի նման նկուղներին դուրս են եկել, փողոցներում քայլում են, քաղաքական արշաւ են

իրականացնում՝ յանուն թալանի, յանուն փտածութեան, յանուն գողացածը ժողովրդին չվերադարձնելու: Եւ մենք նրանց պէտք է ետ

Ռուսաստանի ԱԳՆ-ն Յերքած է ՀԱՊԿ-էն Հայաստանի Դուրս Գալու Տեղեկութիւնը

Հայաստանը չէ ծանուցած Հաւաքական Անվտանգութեան Պայմանագրի Կազմակերպութեան (ՀԱՊԿ) իր դուրս գալու մասին, մտադիր ալ չէ լքել կառուցը, պարզապէս սառեցուցած է իր գործունէութիւնը:

«Ռիա Նովոսթի»-ին այս մասին ըսած է Ռուսաստանի արտաքին գործերու փոխնախարար Ալեքսանտր Փանքին:

«Երեւանը մեզ չէ ծանուցած հեռանալու մասին, անոնք չեն պատրաստուիր հեռանալու, սառեցուցած են իրենց գործունէութիւնը, բայց միեւնոյն ժամանակ կը մնան ՀԱՊԿ անդամ», - ըսած է ան:

2024 թուականի Փետրուարին Հայաստանի վարչապետ Նիկոլ Փաշինեան յայտնած էր, որ հանրապետութիւնը սառեցուցած է իր մասնակցութիւնը ՀԱՊԿ-ին: Փաշինեան նաեւ յայտնած էր, որ Հայաստանի վերադարձը ՀԱՊԿ երթալով կը դժուարանայ, եթէ ոչ՝ անհնարին կը դառնայ, անոր խօսքերով՝ «անվերադարձի կէտը» անցած է:

Եթէ Հայաստան մինչեւ 2025-ի աւարտը ՀԱՊԿ պիտուէ չվճարէ իր բաժին ֆինանսաւորումը, ապա կազմակերպութեան անդամ երկիրները «կրնան տարբեր բեմադրեր դիտարկել», ըսած է Փանքին՝ միեւնոյն ժամանակ շեշտելով, որ «բայց, հաւանաբար, ՀԱՊԿ-էն ոչ ոք անոր պիտի չվտարէ»:

Երուսաղէմի Իշխանութիւնները Կ'ուզեն Բռնագանձել Հայոց Պատրիարքարանին Գոյքը



Երուսաղէմի քաղաքային իշխանութիւնները կ'ուզեն բռնագանձել Հայոց պատրիարքարանի գոյքը՝ պատճառաբանելով, թէ հոգեւոր կառուցը 1994 թուականէն չէ վճարած իր տարածքի վարձակալութեան կուտակուած հարկը: Մինչդեռ պատրիարքարանն ու տեղի հայերը կը պնդեն՝ քաղաքային իշխանութիւններուն պահանջը անհիմն ու անարդար է, եւ արդէն դատարան դիմած են՝ կանխելու

պատրիարքութեան գոյքի բռնագանձումը:

«Եթէ, Աստուած մի արացէ, Պատրիարքարանի հացը մերժուի, Երուսաղէմի քաղաքապետարանը պիտի գաւթի Պատրիարքարանին պատկանող անշարժ գոյքը եւ այն պիտի հանէ աճուրդի, որպէսզի հաւաքէ ենթադրեալ վիճարկուող պարտքերը, որոնք եր-

Սփիւռքի Մեծ Բացական Ղեկավարութիւն

ԴՈՎՏ. ԳՐԱԶ ԶԻԼԻՆԿԻՐԵԱՆ

Վերջին տարիներուն, սփիւռքի կառուցաներու եւ ղեկավարութեան հարցը դարձած է աճող եւ մտահոգիչ երեւոյթ մը: Ապագան մշտնջող է, իսկ ներկայ վիճակը՝ յուսախաբեցնող: Մեծի Տանն Կիլիկիոյ Արամ Ա. Կաթողիկոսի բնորոշումով՝ «Կը գտնուինք անդունդի եզրին»: Համապատասխան դիրքորոշումներ պէտք է որդեգրենք՝ հեռու ամէն տեսակ անիրատես մօտեցումէ ու մակերեսային դատողութենէ:» (1)

Ժամանակն է կարկինը աւելի լայն բանալու եւ արմատական հարցերու մասին խօսելու:

Բացառութիւնները չարգելով, այսօր սփիւռքի «դասական» կազմակերպութիւնները կը նմանին լքուած շէնքերու, ուր անցեալի փառքը տակաւին յայտնապէս տեսանելի է, տէրերը, դեռ տեղ մը գոյութիւն ունին, բայց շատ քիչ բնակիչներ մնացած են: Ղեկավարները տեղ մը տակաւին ներկայ են, բայց անդամները, յատկապէս երիտասարդները, կա՛մ բացակայ են, կա՛մ ալ ներգրաւուած չեն: Ներկան ապրելու եւ ապագայ կերտելու ուժը զգալիօրէն թուլցած է: Ցեղասպանութենէն ետք, այս կազմակերպութիւնները կառուցուած էին ժամանակի պահանջներուն համապատասխան, երբ սփիւռքը նոր կը ձեւաւորուէր, երբ գաղթական հայութիւնը կենսական անհրաժեշտութիւն ունէր համախմբուելու, կեանք վերակերտելու եւ ինքնութիւն պահպանելու, կազմակերպուելու: Սակայն ժամանակները փոխուած են, իսկ կառուցաները՝ ոչ:

Երբեմնի աշխուժ ու կենսունակ այս կառուցաները խորքային վերանորոգում եւ նոր շունչ կը պահանջեն, սակայն կը թուի, թէ անոնց ղեկավարները ո՛չ յստակ նպատակներ ունին, ո՛չ ալ բաւարար միջոցներ: Փոխարէնը, գիտակցաբար կամ անգիտակցաբար, անոնք իրենց կազմակերպութիւնները վերածած են թանգարաններու, ուր իրենց ու անցորդներուն համար կը պահպանեն անցեալի վաստակի փայլքը՝ առանց ապագայի տեսիլքի, յոյսի կամ լուրջ ծրագիրներու:

Ղեկավարութեան խնդիրը միայն տեսական հարց չէ: Վերջին տարիներուն, Սփիւռքի մէջ կատարուած հարցախոյզները եւս պատկերացում են այս հարցը: Սփիւռքահայ համայնքներու մէջ կատարուած ուսումնասիրութիւնները զգալի մտահոգութիւններ կը բացայայտեն ղեկավարութեան մասին: Տեսլական ունեցող եւ ուժեղ ղեկավարութեան պակասը կը նկատուի համայնքային կեանքի առաջնահերթ խնդիրներէն մէկը (2): Համայնքային ղեկավարներու եւ համայնքի անդամներու միջեւ կապը խզուած է, իսկ անդունդը՝ օրըստօրէ կը խորանայ:

Իրականութիւնը այն է, որ Սփիւռքը 21-րդ դարուն կտրուկ կերպարանափոխուած է, սակայն մեր կառուցաները չեն յարմարած այս փոփոխութիւններուն: Այսօր սփիւռքը չունի իր պահանջներուն համաձայն ղեկավարներ, որոնք կրնան իսկապէս առաջնորդել եւ վերակազմակերպել

զայն: Եթէ նման ղեկավարներ գոյութիւն ունենային, այսօր այս խնդիրներուն մասին անընդհատ պիտի չխօսէինք: Ղեկավարութիւնը պէտք չէ սահմանափակուի միայն գոյութիւն ունեցող իրավիճակը կառավարելով, այլ պէտք է զօժ ու կերտէ ապագան, ցանկ ու սերմանէ հունտերը եւ մշակէ հիմքերը, այլապէս ան պարզապէս կը վերածուի վարչական պաշտօնի՝ առանց որեւէ խորքային ազդեցութեան:

Ղեկավարութեան ամէնէն էական պարտականութիւններէն մէկը կառուցին մշտական թարմացումին եւ կենսունակութեան ապահովումն է: Այս հարցերը ղեկավարները նախ իրենք իրենց պէտք է ուղղեն եւ անկեղծութեամբ հայելիին նային: Ո՞րն է իմ կառուցիկ կամ կազմակերպութեան առաքելութիւնը ԱՅՍՕՐ: Ի՞նչ նպատակներ պէտք է իրականացնենք, ի՞նչ ձեւերով, եւ ի՞նչ միջոցներով: Ի՞նչ դերակատարութիւն ունի երիտասարդութիւնը եւ ի՞նչ հնարաւորութիւններ կը տրուին անոր: Քանի՞ կիրանդամներ ունին մեր որոշումներ կայացնող բարձրագոյն ղեկավար մարմինները: Քանի՞ 25-35 տարեկան երիտասարդ մաս կը կազմէ ղեկավարութեան:

Այս եւ այլ հիմնական հարցերը լոկ ձեւական ուսումնասիրութեան համար չեն, այլ գոյութեանական խնդիրներ են, որոնք եթէ չգտնեն իրենց լուծումը՝ կառուցաները դատապարտուած են աստիճանական փլուզումի:

Առանց անկեղծ ներհայեցողութեան, ինքնասրբագրումի եւ ներքին «յեղափոխութեան» անհնար է «հետեւորդներու» կամ «շարքայիններու» ուղղութիւն եւ յոյս տալ, ու աւելի էականը՝ նախընտրելի ապագայի մը ճանապարհահարմարեցումը ուրուագծել:

Սփիւռքի միասնականութեան կոչեր կամ կենցաղներ

Ամէնէն մտահոգիչ երեւոյթներէն մէկն այն է, որ երբ խօսքը «համասփիւռքային», «միասնական» կամ «միացեալ» նախաձեռնութիւններու մասին է, անոնք յաճախ կը մնան անհասցէ եւ դատարկ կարգախօսներ: Ո՞րոնք են այդ յայտարարութիւններուն հասցէատէրերը: - ո՞ր կրօնական հաստատութիւնը, ո՞ր կուսակցութիւնը կամ կառույցը: Շատ մը ղեկավարներ, որոնք նման կոչեր կ'ուղղեն, իրականութեան մէջ կը ձգտին համայնքային կազմակերպութիւնները համախմբելու իրենց ծրագիրներուն շուրջ՝ առանց իրական երկխօսութեան, փոխադարձ հասկացութեան կամ յարգանքի: Այսինքն, անոնք չեն ձգտիր հարցերուն շուրջ բաց քննարկումներու եւ համախոհ լուծումներու, այլ պարզապէս կը փորձեն միւսները բերելու իրենց կողմը՝ առանց երկուստեք գաղափարական կամ մարտավարական զիջումներու կամ յարմարեցումներու: Շատ անգամ, նման յայտարարութիւններ տկարութեան նշան են, այսինքն՝ ո՛չ մտածուած եւ մշակուած ծրագիր կայ ո՛չ ալ անհրաժեշտ միջոցները: Իսկ այն կազմակերպութիւնները, որոնք

արդէն իրենց տնային աշխատանքը կատարած են եւ միջոցներ ձեռք բերած, աշխատանքը կը տանին առանց սպասելու այլ կառուցաներու «միասնութեան» կամ «համագործակցութեան»:

Վերջերս, յօդուածի մը մէջ (3), սրտցաւ եւ մտահոգ կուսակցական մը կը մատնանշէր իր կառուցին հիմնական հարցը՝

[Շարքայիններու] ըմբոստութիւնը առիթ մը պէտք է հանդիսանար եւ հանդիսանայ... որ վերանային եւ քննարկեն կուսակցութեան ընդհանուր կառուցուածքը՝ սկիզբէն մինչեւ մեր օրերը: Այստեղ կառուցուածք ըսելով պէտք է հասկնալ անոր պատմութիւնը, կազմակերպական կառուցցը, աշխարհընկալումը, քաղաքական դերակատարութիւնը, ծրագիրը, այլ խօսքով ամէն ինչ որ կ'առնէ իր կազմակերպութեան հետ, որպէս գաղափարներ եւ կազմակերպութիւն»:

Յօդուածագիրը ուրիշ կարեւոր կէտ մըն ալ կը մատնանշէ, թէ ինչպէս իր կուսակցութիւնը (եւ ես պիտի աւելցնէի սփիւռքեան «դասական» այլ կառուցաները) իրենց պատմութիւնը եւ դերակատարութիւնը «առասպելականացուցած» են եւ իբրեւ այդպիսին «անքննելի» են: «Այս սրբացումը, որ շեշտուած է մասնաւորաբար Միջին Արեւելքի» կազմակերպութիւններու անդամներուն մէջ, «ժամանակի ընթացքին այլամերժութեան հոգեվիճակ ստեղծած է» կառուցաներուն մէջ:

Այստեղ մեր քննարկումին համար կարեւոր չէ ո՞ր կուսակցութեան մասին է խօսքը, ըստա՞ծը բոլոր սփիւռքեան «դասական» կառուցաներուն կը վերաբերի: Սփիւռքի ապագան պիտի որոշուի ոչ թէ լոկ անցեալի ձեռքբերումներով, այլ ապագայի համարձակ եւ խորթափանց տեսլականով: Այժմ ժամանակն է ոչ

թէ միայն խօսելու «համասփիւռքեան միասնականութեան» մասին, այլ իրական, գործնական քայլերու դիմելու՝ նոր տեսլականով, նոր մեթոտներով եւ նոր առաջնորդներով:

Սփիւռքի կազմակերպութիւնները վերակենդանացնելու համար անհրաժեշտ է ինքնաքննադատութեան որդեգրումը, ինչպէս նաեւ աշխատելակերպի ու ոճի վերանայում: Սփիւռքեան կառուցաները պէտք է յստակեցնեն իրենց առաքելութիւնն ու նպատակները՝ ստեղծելով բաց երկխօսութեան հարթակներ ղեկավարներու եւ անդամներու միջեւ: Երիտասարդներու ներգրաւումը պէտք է դառնայ առաջնահերթութիւն՝ գիրենք ընդգրկելով որոշում կայացնող մարմիններուն մէջ եւ օգտագործելով թուային արհեստագիտութիւններ՝ զանոնք հասանելի դարձնելու նպատակով: Կանանց ներգրաւումը եւ ղեկավարութեան մէջ անոնց ընդգրկումը, ցանցային եւ ձկուն կառավարման մեթոտներու որդեգրումը, ինչպէս նաեւ՝ համայնքային կազմակերպութիւններու համար համագործակցային նոր ձեւաչափերու փորձարկումն ու գործադրութիւնը կրնան նպաստել աւելի ժամանակակից եւ կենսունակ կառուցաներու ստեղծումին: Գաղափարախօսութիւնը գործնական ու կիրարկելի պէտք է ըլլայ եւ ոչ միայն «դաւանանք»: Անցեալի սխալներու գիտակցութիւնը եւ քննական մօտեցում որդեգրելը, դասեր քաղելը եւ նոր մօտեցումներ ներմուծելը կրնան հնարաւորութիւն տալ կառուցաներուն ձերբագրատելու անքննելի առասպելներէ եւ ականջալուր ըլլալու 21-րդ դարու պահանջներուն: Վերջապէս, նոր ղեկավարներու պատրաստութիւնը, սփիւռքի այլ կառուցաներու յաջո-

Շար.ը էջ 18



ARMENIAN GENERAL BENEVOLENT UNION
ՀԲԸ Միութեան Լոս Անճելոսի Վեթեաններու Վարչութիւն
LOS ANGELES VETERANS COMMITTEE



The AGBU Los Angeles Veterans Committee is honored to Invite you to a lecture by renowned Attorney ROUPEN AVSHARIAN “Syria After Assad’s Departure”



ՀԲԸՄ-ի Վեթեաններու Վարչութիւնը կը ներկայացնէ բանախօսական երեկոյ «Սուրիա - Ասատի Հեռացումէն Ետք» Օրուան բանախօս՝ իրաւաբան Ռուբէն Աւշարեան

THURSDAY, MARCH 27, 2025 AT 7:00PM
Agajanian Auditorium of the AGBU Manoogian-Demirdjian School
6844 Oakdale Avenue, Canoga Park, CA 91306
Reception to follow - Free Entry . Հիւրասիրութիւն - Մուտքը ազատ

Թուրքիոյ Հայոց Պատրիարքը Հայաստանի Մէջ



Թուրքիոյ Հայոց Սահակ Բ. Պատրիարքը այս օրերուն Հայաստան կը գտնուի, մասնակցելու համար Գերագոյն Հոգեւոր Խորհուրդի ընդլայնուած նիստերուն:

Սահակ Բ. Պատրիարքը Մարտի 8-ին, 2025, հիւրը եղաւ Մասեացոտն թեմի առաջնորդ Գերշ. Տ. Գէորգ Եպս. Սարոյեանի եւ համաքապետին եւ հիւրասիրուեցաւ պահքի սեղանով: Մարտի 9-ին, Սահակ Բ. արարողութեանց մասնակցեցաւ Ս. Էջմիածնի Մայր Տաճարին մէջ: Նոյն օրը, կէսօրէ ետք Նորին Ամենապատուութիւնը այցելեց Ղազարաւանի միանձնուհիներու վանքը, ուր դիմաւորուեցաւ Մայր Եղիսաբեթի գլխաւորութեամբ քոյրերու կողմէ:

Սոյն այցելութեան ընթացքին Թուրքիոյ Հայոց հոգեւոր պետին կ'ընկերանային Արագածոտնի թեմի առաջնորդ՝ Գերշ. Տ. Մկրտիչ Եպս. Պռոշեան, Ամերիկայի Արեւելեան թեմի առաջնորդ՝ Գերշ. Տ. Մեսրոպ Եպս. Պարսամեան, Արժ. Տ. Տրդատ Աւգ. Քհնյ. Ուզունեան եւ Մուղնիի Ս. Գէորգ վանքէն Արժ. Տ. Գարեգին Քահանայ:

Այստեղ բարի գալստեան խօսքերէ ետք Սահակ Բ. պատրիարքը միանձնուհիներուն խօսեցաւ «Արտաքսման Կիրակի»ի մասին: Ապա տեղի ունեցաւ քոյրերու եւ պատրիարքի միջեւ հաճելի զրոյց:

Քոյրերը՝ պահքի ընթրիքի սեղանով հիւրասիրեցին Պատրիարքն ու ընկերակիցները: Նորին ամենապատուութիւնը քոյրերը օրհնելէ ետք վերադարձաւ Մայր Աթոռ: Սահակ Բ. Պոլիս կը վերադառնայ 15 Մարտ, 2025, Շաբաթ օր: Իրեն կ'ընկերակցի որպէս զաւագանակիր Արժ. Տ. Տրդատ Աւ. Քհնյ. Ուզունեան:

«Ֆրանսական Գեղարուեստական Հայերէն Թարգմանութիւնները» Խորագրով Ցուցահանդէսը



Ֆրանսախօսութեան երկամսեակի ծիրէն ներս, Հայաստանի ազգային գրադարանին մէջ, կը կազմակերպուին «Ֆրանսա-Հայաստան դիւանագիտական եւ միջ մշակութային փոխ յարաբերութիւններ» միջազգային գիտաժողովը, Ֆրանսական ժապաւններու եւ գրականութեան ցուցադրութիւններ եւ այլ ձեռնարկներ:

Մարտ 6-ին գրադարանին մէջ բացուած է Ֆրանսախօսութեան երկամսեակին «Ֆրանսական գեղարուեստական գրականութեան հայերէն թարգմանութիւնները խորագրով ցուցահանդէսով:

Ներկայացուած են բացառիկ նմուշներ, յատկապէս՝ Ոս-

կան Երեւանցիի, Լուդովիկոս 14-րդ թագաւորին ուղղուած նամակին պատճէնը, Կի Տը Մօբասանի եւ Ալպեո Գամիւրի գիրքերը, դասական գրողներու հին ու նոր հրատարակութիւններ, ժամանակակից հեղինակներու գիրքեր, եւ այլն:

Գրադարանի տնօրէն Բալասան Յարութիւնեան, ներկայացնելով ցուցադրութեան դրուած գրականութիւնը, անդրադարձած է Ֆրանսացի գրողներու, Միխիլարեան Միաբանութեան թարգմանութիւններու, ձանիկ Արամեանի, Մկրտիչ Փորթուզալեանի եւ Շուշիի տպարաններու գործունէութեան:

Ցուցահանդէսը պիտի շարունակուի մինչեւ Մարտ 26:

Հայ Մեներգչուհի Գուլիանա Գրիգորեանի Հրաշալի Համերգը Չեխիոյ Մէջ



Վերջերս Փրակայի Քաղաքապետարանի «Սմեթանա» դահլիճին մէջ, տեղի ունեցած է Հայ տաղանդաւոր մեներգչուհի ճուլիանա Գրիգորեանի եւ մոնկոլ անուանի պարիթոն Ամարթուշիին էնիսպաթի հրաշալի համերգը, Փրակայի Ֆիլհարմոնիք նուագախումբի ընկերակցութեամբ:

Մենակատարութիւններով եւ զուգերգերով հնչած են արիւններ՝ իտալական յայտնի օփերաններէն: ճուլիանա Գրիգորեան կատարած է նաեւ անուանի չեխ երաժիշտ Անթոնէն Տվոր-

ժաքի արիան «Ջրահարս» օփերայէն, որ յուզած է հանդիսականները:

Համերգի աւարտին, ներկաներու փափաքին ընդառաջելով, մեներգչուհին ազաբեւրեցած է Սուրբ Գրիգոր Նարեկացիի «Հաւուն, հաւուն» տաղը:

Մեներգիչներն արժանացած են ներկաներու երկարատեւ ծափահարութիւններուն: Սոյն համերգը տեղի ունեցած է Ջեխիոյ մօտ Հայաստանի դեսպան Աշոտ Յովակիմեանի պատուոյ հովանաւորութեամբ:

Ամերիկայի Միացեալ Նահանգներու

Շարունակուած էջ 8-էն

թիւն Հայաստանեայց Եկեղեցւոյ կից սրահի շինարարութիւնը, -Արիզոնայի տարեցներու բնակարանային ծրագիրը,

-Սան Տիէկոյի նոր սրահի շինարարութեան ծրագիրը, -Փասատինայի Սուրբ Գրիգոր Լուսաւորիչ Հայաստանեայց Առաքելական Եկեղեցւոյ կից բացօդեայ սրահի շինարարութեան ծրագիրը, որն արդէն իրականացած է,

-Լաս Վէլլասի Սուրբ Կիրակոս Հայաստանեայց Առաքելական Եկեղեցւոյ կից դպրոցի շինութեան ծրագիրը եւ վերջապէս, որպէս իւրապատուկ ծրագիր,

-Թեմէն ներս վանական համալիրի շինութեան նախաձեռ-

նութիւնը, որը տակաւին խմորման ընթացքի մէջ է:

Նշեալ բոլոր կառուցները պիտի հետամտին եկեղեցական ու ազգանուէր նպատակներու համար:

Ամերիկայի Միացեալ Նահանգներու Արեւմտեան թեմի Առաջնորդ՝ Բարձրաշնորհ Տէր Յովնան Սրբգ Արք. Տէրտէրեան, թեմի հոգեւորականաց դասը, ժողովականութիւնը եւ նուիրեալ ու պարեպաշտ հաւատացեալները հաւաքական նուիրումով, անձնուրացութեամբ ու բծախնդիր ծրագրաւորումով նոր սլացք կու տան վերակազմակերպումի գաղափարին ու ձգտումին՝ իբրեւ սիրոյ ճառագայթում, վասն Աստուծոյ եւ ազգային մեր արժէքներու պահպանութեան:

Սփիւռքի Մեծ Բացական՝ Դեկապարուփիւն

Շարունակուած էջ 13-էն

ղած օրինակներու որդեգրումն ու յարմարեցումը կրնան ապագայացալց, կենսունակ ու արդիւնաւէտ ղեկավարութիւն ձեւաւորել:

«Դոկտ. Հրաչ Զիլինկիրեան (www.hratch.info) ընկերաբան, սփիւռքագետ, հայկական հաստատութեանական նորարարութեան ծրագրային հեղինակ եւ գործա-

դիր է:

1. Երեւանի մէջ ընթերցուած Արամ Վեհափառի ուղերձը, «Երկիր» 26 Փետրուար 2025. <https://yerkir.am/hy/article/2025/02/26/287852>:

2. Հայկական Սփիւռքի Հարցախոյզ (2019, 2021, 2022), տես՝ www.armeniandiasporasurvey.com

3. «Նոր Յառաջ», 6 Փետրուար 2025, էջ 6: